

Segun Minister Otmar Oduber si Jonathan Vieira soluciona su problemanan financiero

Por tin oportunidad pa A.T.A. sigui cu Film Festival den futuro

ORANJESTAD – Segun Minister Otmar Oduber si Vieira soluciona su problemanan, por tin oportunidad pa ATA sigui cu Film Festival den futuro. E mandatario a splica ayea cu tin hopi informacion incorreto rond riba e situacion di Aruba International Film Festival. Minister Otmar Oduber a bisa cu Gobierno tabata un patrocinado di e evento aki pa tres aña. Durante e tres añanan aki e organisadonan a cumpli cabalmente cu e contract y tambe e sponsorship di ATA na e evento aki. A haci un evaluacion di e AIFF y e efecto cu e tabata tin a mercadeo di pais Aruba y tur tres aña Gobierno tabata sumamente satisfecho cu tur tres actividad. Esaki ta pa kita tur duda cu Gobierno di Aruba y Oficina di Turismo

no tabata satisfecho cu e calidad y e resultado.

EVALUACION

Cada aña aunke cu tabata tin un contract, a evalua aña pa aña y kico mester a mehora y kico mester a bin diferente. Na momento cu a cumpli e tres añanan aki y a haci un peticion pa extende e contract pa uno nobo, e organisadonan a haya nan confronta cu algun problema durante e ultimo evento. E concierto aki tabata uno exitoso pa loke ta atraccion di cantidad di hende, pero internamente decisionnan di negoshi e no a bay bon pa e organisadonan. Esey ta keda algo priva di un entidad priva cu ta organisa algo aki na Aruba.

RELATO FINANCIERO

Cierto momento nan tabata tin problema asina grandi, cu

a stroba cu e organisadonan por a entrega un rapport financiero. E rapport aki a keda entrega un tiki mas laat cu programa, cu a haci cu no por a evalua e rapport financiero pa pro a extende e evento pa un aña mas of pa un contract nobo. Na mes momento ta conoci cu na cierto momento tabata tin personanan cu tabata reclama suma nan cu tabata habri, pero ta un asunto di un compania priva. Gobierno ta percura pa e inversionnan cu Gobierno a haci cu e fondonan publico, haya un reportahe di e placa aki y te eynan Gobierno su trabou a yega.

EXTENSION

Extension di e contracto nobo no tin nada di haber cu e bancarota. Ta apenas e siman aki Oduber a keda in forma di e sentencia di hues

riba e bancarota, mientras cu e decision aki a keda tuma un luna y mei pasa door di oficina di turismo pa no sigui cu e proyecto. Oduber a bisa cu Sr. Johnatan Viera a haci un bon trabou pa eheccion di e proyecto di Film Festival. Gobierno a sostene e proyecto aki y ta orguyoso di e trabou cu e la haci di e Film Festival. Manera cualkier negoshi priva bo no por influencia decisionnan cu ta tuma luga den su compania y consecucionnan di su decisionnan cu ta wordo tuma. Oduber a bisa cu e tin solamente palabra di elogio pa un hoben Arubiano cu tin un capacidad enorme pa progresa. Tur dia den futuro unabes e resolve e problemanan cu e tin awor aki, Oduber ta dispuesto pa duna su persona sosten un biaha mas.

FUTURO

Siman pasa a reuni den Consejo di Minister hunto cu e presidente di Junta di supervision di ATA y su director a mira kico ta e posibilidad pa sigui cu un bon festival. Esey ta e motibo pakico a sinta un biaha mas, pero mirando loke a tuma luga ayera, ta hacie situacion un tiki dificil, pero no imposibel cu den futuro por mira un continuacion di Aruba International Film Festival. Awor aki e mester atende cu su creditornan na e momentonan aki y ora no tin problema mas e proyecto por sigui. Otmar Oduber a bisa cu Sr. Johnatan Viera como producto di e Film Festival, a haci un bon trabou y Otmar Oduber Como Minister a bisa cu e no tin nada di keha riba e persona aki. □